

## گندەركن ...

گندركن سۆزومە جواب وئرمەدين  
گۆزونلە كۆنلومو تېترەدېردىن ھى  
اونونچون بو وحشى كۆنلوملە سنين -  
باخيشين دوغمادير سۆزلرين اؤگنى

ديلين دئيردى گنت، گۆزلرين سە گل  
اوتانچاق باخيشين گولوردو ھردن  
آخى ھانسى سينا اينانيم گۆزل؟  
باش آچيم قوشدوغون افسانەلردەن؟

سنى مصراع - مصراع ياراتميشام من  
ديلمدە شعر تەك قافىەلندىن  
سنى اولدوزلارا من آتميشام، من،  
آمما آلچاقلارا سن اوزون اندىن

آى صويون اوستونە نور جالار كيمى  
من سنە سئوگيليم جان چيلەميشم  
گاھ شيرينلەشميشم رۇيالار كيمى  
شعريملە يوخونو عطيرلەميشم

گنديرەم سن داھا نە دانيش نە دين  
قوى كۆنلوم اويوسون ساكيت دينز تەك  
سن كى غم گونومدە دادا گلەمدەدين  
ايندى دە قوى راحت جان وئرسين اورەك

اونوت ناغيل لاشان سئودامى ، اونوت  
عشقىمدەن اسكىلمز تەك بيرجە تئلە  
اوستونە اوزانان يادلار الين توت  
من دە ناغيل كيمى دولاشيم ائلە

خاللی قانادینی آچ، اوچ بورادان  
چیچک دن چیچگه قونان کپه نک  
صارماشیق صاریلیب بوینوما اینان  
صارالیب صولوب او گۆردو گون چیچک

گنديره م سئو گيليم يانيندان سنين  
گنديره م درديگيم خاطرهلرله ن  
چيخيرام درد کيمي جانيندان سنين  
داليمجانہ صيخيل نه ده کدرلن

قوی خاطر اتیندا شام کیمی سؤنوم  
باتیم آی باتار تک آیدین سحرده  
قوی یادیندان چیخمیش ماهنی یا دؤنوم  
ایتیم ناغیل لاردا ، افسانه لرده

تاپشیردین پاییزا گوللو باهاری  
سؤندوردون گنجهمه نور صاچان شامی  
ایندی کی باش آلیب گنديرسن باری  
قایتار اوره گیمی!! قایتار سئودامی!